

文淵閣

影印

四庫全書

影印

文淵閣四庫全書

第三七五冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本册目次

通

志(四)

宋 鄭 樵撰……………一

欽定四庫全書

史部
通志卷七十七上

詳校官侍讀_臣陳萬青

編修_臣裴謙覆勘

覆校官助教_臣金學詩

校對官助教_臣汪錫魁

謄錄監生_臣沈浩

欽定四庫全書

通志卷七十七上

宋右廵功郎鄭樵漁仲撰

周同姓世家第一上

吳魯藏管蔡曹衛

吳

吳太伯太伯弟仲雍皆周太王之子而王季歷之兄也

季歷賢而有聖子昌太王欲立季歷以及昌於是太伯

欽定四庫全書

通志
卷七十七上

仲雍二人乃奔荆蠻文身斷髮示不可用以避季歷季

歷果立是為王季而昌為文王太伯之奔荆蠻自號勾

吳_{所居地名}荆蠻義之從而歸者千餘家立為吳太伯太伯

卒無子弟仲雍立是為吳仲雍仲雍卒子季簡立季簡

卒子叔達立叔達卒子周章立是時武王克殷求太伯

仲雍之後得周章周章已君吳因而封之乃封周章弟

虞仲於周之北故夏虛是為虞仲列為諸侯周章卒子

熊遂立熊遂卒子柯相立柯相卒子彊鳩夷立彊鳩夷

卒子餘橋疑吾立餘橋疑吾卒子柯盧立柯盧卒子周繇立周繇卒子屈羽立屈羽卒子夷吾立夷吾卒子禽處立禽處卒子轉立轉卒子頗高立頗高卒子句畢立是時晉獻公滅周北虞公以開晉伐虢也句畢卒子去齊立去齊卒子壽夢立壽夢立而吳始益大稱王自太伯作吳五世而武王克殷封其後為二其一虞在中國其一吳在夷蠻十二世而晉滅中國之虞中國之虞滅二世而夷蠻之吳興大凡從太伯至壽夢十九世王壽

欽定四庫全書

通志
卷七十七上

二

夢二年楚之亡大夫申公巫臣怨楚將子反而奔晉自晉使吳教吳用兵乘車令其子為吳行人吳於是始通於中國遂伐楚十六年楚共王伐吳至衡山二十五年王壽夢卒壽夢有子四人長曰諸樊次曰餘祭次曰餘昧次曰季札季札賢而壽夢欲立之季札讓不可乃立諸樊攝行事當國王諸樊元年已除喪讓位季札季札固執不許吳人必欲立季札季札棄其室而耕國人舍之是歲秋吳伐楚楚敗我師四年晉平公立十三年王

諸樊卒有命授弟餘祭欲傳以次必致國於季札而止以稱先王壽夢之意季札封於延陵故號曰延陵季子王餘祭三年齊相慶封有罪自齊來奔吳吳子慶封朱方之縣以為奉邑以女妻之富於在齊四年吳使季札聘於魯請觀周樂季札審音知道觀舞知意使歌風自二南至於陳各知其俗使歌小雅知東遷之衰使歌大雅知文王之盛使歌頌知周殷魯盛德之所以同也見舞象與大武知西伯之猶有憾不如武王之極美也見

欽定四庫全書

通志
卷七十七上

三

舞韶護與大夏知成湯慙於始伐不如禹之勤於其身也見舞招箭則曰舜之德至矣大矣無以加矣去魯適齊知齊將有難謂晏平仲宜納邑與政去齊適鄭見子產如舊交去鄭適衛見蘧伯玉史魚等稱衛多君子去衛適晉及戚聞孫文子鐘聲譏其不宜為樂至晉見趙文子韓宣子魏獻子悅之知三卿必柄晉國將去謂叔向曰晉政將有所歸吾子直必思自免於難語具季札傳中七年楚公子圍弑其王夾敖而代立是為靈王十

年楚靈王會諸侯伐吳之朱方吳亦攻楚取三邑而去
十一年楚伐吳至雩婁十二年楚復來伐次於乾谿楚
師敗走十七年王餘祭卒弟餘昧立王餘昧二年楚公
子棄疾弑其君靈王代立焉四年王餘昧卒欲授弟季
札季札讓逃去於是吳人乃立王餘昧之子僚為王王
僚二年公子光伐楚敗而亡王舟光懼襲楚復得王舟
而還五年楚之亡臣伍子胥來奔公子光客之公子光
者王諸樊之子也常以為吾父兄弟四人當傳至季子
欽定四庫全書

通志
卷七十七上

四

有他志乃求勇士專諸見之光喜乃客伍子胥子胥退
而耕於野以待專諸之事十二年冬楚平王卒十三年
春吳欲因楚喪而伐之使公子蓋餘燭庸以兵圍楚之
六陂使季札於晉以觀諸侯之變楚發兵絕吳兵後吳
兵不得還於是公子光曰此時不可失也告專諸曰不
索何獲我真王嗣當立吾欲求之季子雖至不吾廢也
專諸許之光因伏甲士窟室謁王僚飲使專諸置匕首
於炙魚之中以進食遂刺殺王僚王僚死公子光竟伐
欽定四庫全書

通志
卷七十七上

五

立為王是為吳王闔廬闔廬乃以專諸子為卿季子至
自晉曰苟先君無廢祀人民無廢主社稷有奉乃吾君
也吾敢誰怨乎復命哭僚墓復位而待公子燭庸蓋餘
二人將兵遇圍於楚者聞公子光弑王僚自立乃以其
兵降楚楚封之於舒王闔廬元年舉伍子胥為行人而
與謀國事楚誅伯州犂其孫伯嚭亡奔吳吳以為大夫
三年吳王闔廬與子胥伯嚭將兵伐楚拔舒殺吳之二
公子闔廬謀欲入郢將軍孫武以為未可乃止四年伐

楚取六與潯五年伐越敗之六年楚使子常囊瓦伐吳迎而擊之大敗其軍於豫章取楚之居巢而還九年王闔廬用子胥孫武之謀與唐人蔡人西伐楚至於漢水楚亦發兵拒吳夾水陳吳王闔廬弟夫槩欲戰闔廬弗許夫槩曰王已屬臣兵兵以利為上尚何待焉遂以其部五千人襲冒楚楚兵大敗走於是吳王遂縱兵追之比至郢五戰楚五敗楚昭王亡出郢奔鄖鄖公弟欲弑昭王昭王與鄖公奔隨而吳兵遂入鄖子胥伯嚭鞭平

欽定四庫全書

通志
卷七十七上

六

王之尸以報父讐十年春越聞吳王之在鄖國空乃伐吳吳使別兵擊越楚告急秦秦遣兵救楚擊吳吳師敗闔廬弟夫槩見秦越交敗吳吳王留楚不去夫槩亡歸吳自立為吳王闔廬聞之乃引兵歸攻夫槩夫槩敗奔楚楚昭王乃得以九月復入鄖而封夫槩於堂谿為堂谿氏十一年吳王使太子夫差伐楚取番楚恐而去鄖徙都十五年孔子相魯十九年夏吳伐越越王勾踐迎擊之槩音醉李越使死士挑戰三行造吳師呼自剄吳師

觀之越因伐吳敗之姑蘇傷吳王闔廬指軍却七里吳

王病傷而死闔廬使立太子夫差謂曰爾而忘勾踐殺

汝父乎對曰不敢三年乃報越闔廬冢在吳縣昌門外名曰虎邱下池廣六十

步水深丈五尺銅棺三重瀕池六尺玉鳧之流扁諸之

劍三千方員之口二千槩鄖魚腸之劍在焉卒十萬餘

人治冢取土臨湖葬三日王夫差元年以大夫伯嚭為

白虎居其上故號曰虎邱王夫差元年以大夫伯嚭為

太宰習戰射常以報越為志二年吳悉精兵以伐越敗

之夫椒報姑蘇也越王勾踐乃以甲兵五千人棲於會

稽使大夫種因吳太宰嚭而行成請委國為臣妾吳王

將許之伍子胥諫曰昔有過氏殺斟灌以伐斟尋滅夏

后帝相帝相之妃后緡方娠逃於有仍而生少康少康

為有仍牧正有過又欲殺之少康奔有虞有虞思夏德

於是妻以二女而邑之於綸有田一成有眾一旅後遂

收夏眾撫其官職使人誘之遂滅有過氏復禹之績祀

夏配天不失舊物今吳如有過之彊而勾踐大於少

康今不因此而滅之又將寬之不亦難乎且勾踐為人

能辛苦今不滅後必悔之王不聽聽太宰嚭卒許越平

欽定四庫全書

通志
卷七十七上

七

與盟而罷兵去七年吳王夫差聞齊景公死而大臣爭寵新君弱乃興師北伐齊子胥諫曰句踐食不重味衣不重采弔死問疾且欲有所用其衆此人弗死必為吳患今越在腹心疾而王不先而務齊不亦謬乎弗聽遂北伐齊敗齊於艾陵至繒召魯哀公而徵百牢季康子使子貢以周禮說太宰嚭乃得止因留略地於齊魯之南九年為騶伐魯至與魯盟乃去十年因伐齊而歸十一年復伐齊越王句踐率其衆以朝吳厚獻遺之吳王喜惟子胥懼曰是豢吳也諫曰越在腹心今得志於齊猶石田無所用且盤庚之誥有顛越勿遺商之以興吳王不聽使子胥於齊子胥屬其子於齊鮑氏還報吳王吳王聞之大怒賜子胥屬鏹之劍以死是歲也齊鮑氏弑齊悼公吳王聞之哭於軍門外三日乃從海上攻齊齊人敗吳吳王乃引兵歸十三年吳召魯衛之君會於橐臯十四年春吳王北會諸侯於黃池欲霸中國以全周室六月戊子越王句踐伐吳乙酉越五千人與吳戰

丙戌虜吳太子友丁亥入吳吳人告敗於王夫差夫差惡其聞也或泄其語吳王怒斬七人於幕下七月辛丑吳王與晉定公爭長吳王曰於周室我為長晉定公曰於姬姓我為伯趙鞅怒將伐吳乃長晉定公吳王已盟與晉別欲伐宋太宰嚭曰可勝而不能居也乃引兵歸國國亡太子內空王居外久士皆罷散於是乃使厚幣以與越平十五年齊田常弑簡公十八年越益彊越王句踐率兵使伐敗吳於笠澤楚滅陳二十年越王句踐復伐吳二十一年遂圍吳二十三年十一月丁卯越敗吳越王句踐欲遷吳王夫差於甬東予百家居之吳王曰孤老矣不能事君王也吾悔不用子胥之言自令陷此乃自剄死蔽其面曰吾無以見子胥也越王滅吳誅太宰嚭以為不忠而歸

魯

周公旦者周武王弟也

周地為其采邑故謂周公

自文王在時旦仁

孝加於羣子及武王即位旦輔翼用事居多武王九年

東伐至盟津周公輔行十一年伐紂至牧野周公佐武王作牧誓破殷入商宮已殺紂周公把大鉞召公把小鉞以夾武王蒙社告紂之罪于天及殷民釋箕子之囚封紂子武庚祿父使管叔蔡叔傅之以續殷祀徧封功臣同姓戚者封周公旦於少昊之虛曲阜是為魯周公不就封留佐武王武王克殷二年天下未集武王有疾不豫羣臣懼太公召公乃繆卜周公曰未可以戚我先王乃自以為質設三壇周公北面立戴璧秉珪告于

欽定四庫全書

通志
卷七十七上

十

太王王季文王史策祝曰惟爾元孫王發勤勞阻疾若爾三王是有負子之責於天以旦代王發之身旦巧能多材多藝能事鬼神乃王發不如旦多材多藝不能事鬼神乃命於帝庭數佑四方用能定汝子孫于下地四方之民間不敬畏無墜天之降葆命我先王亦永有所依歸今我其即命於元龜爾之許我我其以璧與珪歸以俟爾命爾不許我我乃屏璧與珪周公已令史策告太王王季文王欲代武王發於是乃即三王而卜卜人

皆曰吉發書視之信吉周公喜開籒乃見書遇吉周公入賀武王曰王其無害旦新受命三王惟長終是圖茲道能念予一人周公藏其策金縢匱中誠守者勿敢言明日武王有瘳其後武王既崩成王少在襁褓之中周公恐天下聞武王崩而畔周公乃踐阼代成王攝行政當國管叔及其羣弟流言於國曰周公將不利於成王周公乃告太公望召公奭曰我之所以弗辟而攝行政者恐天下畔周無以告我先王太王王季文王三王之

欽定四庫全書

通志
卷七十七上

十一

憂勞天下久矣於今而後成武王蚤終成王少將以成周我所以為之若此於是卒相成王而使其子伯禽代就封於魯周公戒伯禽曰我文王之子武王之弟成王之叔父我於天下亦不賤矣然我一沐三握髮一飯三吐哺起以待士猶恐失天下之賢人子之魯慎無以國驕人管蔡武庚等果率淮夷而反周公乃奉成王命興師東伐而作大誥遂誅管叔殺武庚放蔡叔以收殷餘民以封康叔於衛封微子於宋以奉殷祀輯寧淮夷東

土二年而畢定諸侯咸服宗周天降祉福康叔得禾異畝同穎獻之成王成王命唐叔以餽周公於東土作餽禾周公既受命禾嘉天子命作嘉禾東土以集周公歸報成王乃為詩貽王命之曰鴟鴞王亦未敢訓周公成王七年二月乙未王朝步自周至豐使太保召公先之維相土其三月周公往營成周維邑卜居焉曰吉遂國

之成王長能聽政於是周公乃還政於成王成王臨朝周公之代成王治南面倍依以朝諸侯及七年後還政

欽定四庫全書

通志
卷七十七上

十三

成王北面就臣位躬躬如畏然初成王少時病周公乃自揃其蚤沈之河以祝於神曰王少未有識姦神命者乃旦也亦藏其策於府成王病有瘳及成王用事人或譖周公周公奔楚成王發府見周公禱書乃泣反周公周公歸恐成王壯治有所淫泆乃作多士作毋逸毋逸稱曰為人父母為業至長久子驕奢忘之以亡其家為人子可不慎乎故昔在殷王中宗嚴恭敬畏天命自度治民震懼不敢荒寧故中宗饗國七十五年其在高宗

久勞于外為與小人作其即位乃有諒闇三年不言言乃驩不敢荒寧密靖殷國至于小大無怨故高宗饗國五十五年其在祖甲不義惟王久為小人于外知小人之依能保施小民不侮鰥寡故祖甲饗國三十三年多士稱曰自成湯至于帝乙無不率祀明德帝無不配天者在今後嗣王紂誕淫厥佚不顧天及民之從也其民皆可誅至于文王日中昃不暇食故饗國五十年作此

欽定四庫全書

通志
卷七十七上

十三

以誠成王成王在豐天下已安周之官政未次序於是周公作周官官別其宜作立政以便百姓百姓說之周公在豐病將沒曰必葬我成周以明吾不敢離成王周公既卒成王亦讓葬周公於畢從文王以明予小子不敢臣周公也周公既卒後秋未穫暴風雷雨禾盡偃大木盡拔周國大恐成王與大夫朝服以開金縢之書王乃得周公所自以為功代武王之說二公及王乃問史百執事史百執事曰信有昔周公命我勿敢言成王執書以泣曰自今後其無繆卜乎昔周公勤勞王家惟予

沖人弗及知今天動威以彰周公之德惟朕小子其迎
我國家禮亦宜之王出郊天乃雨反風禾盡起二公命
邦人凡大木所偃盡起而築之歲則大熟於是成王乃
命魯得郊祭文王魯有天子禮樂者以褒周公之德也
周公卒子伯禽固已前受封是為魯公伯禽之初受封
之魯三年而後報政周周公曰何遲也伯禽曰變其
俗革其禮喪三年然後除之故遲太公亦封於齊五月
而報政周周公曰何疾也太公曰吾簡其君臣禮從
欽定四庫全書

通志
卷七十七上

十四

其俗為也及後聞伯禽報政遲乃歎曰嗚呼魯後世其
北面事齊矣夫政不簡不易民不有近平易近民民必
歸之伯禽即位之後有管蔡等反也淮夷徐戎亦並興
反於是伯禽率師伐之於盱作盱誓曰陳爾甲冑無敢
不善無敢傷牯馬牛其風臣妾逋逃勿敢越逐復之無
敢寇攘踰牆垣魯人三郊三遂峙爾芻蕘糧楨榦無
敢不逮我甲戌築而征徐戎無敢不及有大刑作此盱
誓遂平徐戎定魯魯公伯禽卒子考公首立考公四年

卒弟熙立是為煬公煬公築茅闕門六年卒子幽公宰
立幽公十四年幽公弟潰殺幽公而自立是為魏公魏
公五十年卒子厲公擢立厲公三十七年卒魯人立其
弟具是為獻公獻公三十二年卒子真公湣立真公十
四年周厲王無道出奔虢共和行政二十九年周宣王
即位三十年真公卒弟敖立是為武公武公九年春武
公與長子括少子戲西朝周宣王宣王愛戲欲立戲為
魯太子周之樊仲山甫諫宣王曰廢長立少不順不順
欽定四庫全書

通志
卷七十七上

十五

必犯王命犯王命必誅之故出令不可不慎也令之不
行政之不立行而不順民將棄上夫下事上少事長所
以為順今天子建諸侯立其少是教民逆也若魯從之
諸侯効之王命將有所墮若弗從而誅之是自誅王命
也誅之亦失不誅亦失王其圖之宣王弗聽卒立戲為
魯太子夏武公歸而卒戲立是為懿公懿公九年懿公
兄括之子伯御與魯人攻弑懿公而立伯御為君伯御
即位十一年周宣王伐魯殺其君伯御而問魯公子能

道順諸侯者以為魯侯樊穆仲曰魯懿公弟稱肅恭明神故事耆老賦事行刑必問於遺訓而資於故實不干所問不犯所知宣王曰然能訓治其民矣乃立稱於夷宮是為孝公自是諸侯多畔孝公二十五年諸侯畔周犬戎殺幽王秦始列為諸侯二十七年孝公卒子弗涅立是為惠公惠公三十年晉人弑其君昭侯四十五年晉人又弑其君孝侯四十六年惠公卒長庶子息攝當國行君事是為隱公初惠公適夫人無子賤姜聲子生

欽定四庫全書

通志
卷七十七上

十六

息息長為娶於宋宋女至而好惠公奪而自妻之生子允登宋女為夫人以允為太子及惠公卒為允少故魯人共令息攝政不言即位隱公八年與鄭易祊及許田君子譏之十一年冬公子揮諷謂隱公曰百姓便君君其遂立吾請為君殺子允君以我為相隱公曰有先君命吾為允少故攝代今允長矣吾方營菟裘之地而老焉以授子允政揮懼子允聞而反誅之乃反譖隱公於子允曰隱公欲遂立去子子其圖之請為子殺隱公子

允許諾十一月隱公祭鍾巫齊于社圃館于寯氏揮使人弑隱公于寯氏而立子允為君是為桓公桓公元年鄭以璧易天子之許田二年以宋之賂鼎入于太廟君子譏之三年使揮迎婦于齊為夫人六年夫人生子與桓公同日故名曰同同長為太子十六年會于曹伐鄭入厲公十八年春公將有行遂與夫人如齊齊襄公通桓公夫人公怒夫人夫人以告齊侯夏四月丙子齊襄公饗公公醉使公子彭生抱魯桓公因命彭生摺其脅

欽定四庫全書

通志
卷七十七上

十七

公死於車魯人告於齊曰寡君畏君之威不敢寧居來修好禮禮成而不反無所歸咎請得彭生以除醜於諸侯齊人殺彭生以說魯立太子同是為莊公莊公母夫人因留齊不敢歸魯莊公五年冬伐衛內衛惠公八年齊公子糾與召忽管仲來奔九年魯欲內子糾於齊後桓公桓公發兵擊魯魯急殺子糾召忽死之齊請魯生致管仲魯人施伯曰齊欲得管仲非殺之也將用之用之則為魯患不如殺以其屍與之莊公不聽遂囚管仲

與齊齊人相管仲十三年魯莊公與曹沫會齊桓公於柯曹沫劫齊桓公求魯侵地已盟而釋桓公欲背約管仲諫卒歸魯侵地十五年齊桓公始霸二十三年莊公如齊觀社三十二年初莊公築臺臨黨氏見孟女說而愛之許立為夫人割臂以盟孟女生子斑斑長說梁氏女往觀園人犖自牆外與梁氏女戲斑怒鞭犖莊公聞之曰犖有力焉遂殺之是未可鞭而置也斑未得殺會莊公有疾莊公有三弟長曰慶父次曰叔牙次曰季友

欽定四庫全書

通志
卷七十七上

六

莊公取齊女為夫人曰哀姜哀姜無子哀姜娣曰叔姜生子開莊公無適嗣愛斑欲立之莊公病而問嗣於弟叔牙叔牙曰一繼一及魯之常也慶父在君何憂莊公病叔牙之言恐斑不得立以告季友季友請以死立斑遂以莊公命召叔牙鴆殺之語在季友傳中八月癸亥莊公卒季友竟立子斑為君斑侍莊公喪舍於黨氏先時慶父與哀姜私通欲立哀姜娣子開及莊公卒而季友立斑十月己未慶父使圉人犖殺子斑於黨氏季友

奔陳慶父竟立莊公子開是為湣公湣公二年慶父與哀姜通益甚哀姜與慶父謀殺湣公而立慶父慶父使卜嚭襲殺湣公於武闡季友聞之自陳與湣公弟申如邾請魯求納之魯人欲誅慶父慶父恐奔莒於是季友奉子申入立之是為釐公哀姜恐奔邾季友以賂如莒求慶父慶父歸使人殺慶父慶父請奔弗聽乃使大夫奚斯行哭而往慶父聞奚斯聲乃自殺齊桓公聞哀姜與慶父亂以危魯乃召之邾而殺之以其屍歸戮之魯

欽定四庫全書

通志
卷七十七上

十九

魯釐公請而葬之叔牙之後為叔氏慶父之後為孟氏而季友為季氏謂之三桓焉釐公元年以汶陽鄆封季友季友為相九年晉里克殺其君奚齊卓子齊桓公率釐公討晉亂至高梁而還立晉惠公十七年齊桓公卒二十四年晉文公即位三十三年釐公卒子興立是為文公文公元年楚太子商臣弑其父成王代立三年文公朝晉襄公十一年十月甲午魯敗翟於鹹獲長翟喬如富父終甥舂其喉以戈殺之埋其首於子駒之門以

命宣伯初宋武公之世鄭瞞伐宋司徒皇父率師禦之以敗翟于長邱獲長翟緣斯晉之滅潞獲喬如弟焚如齊惠公二年鄭瞞伐齊齊王子城父獲其弟榮如埋其首於北門衛人獲其季弟簡如鄭瞞由是遂亡十五年季文子使於晉十八年二月文公卒文公有二妃長妃齊女哀姜生子惡及視次妃敬嬴嬖愛生子倭倭私事襄仲襄仲欲立之叔仲曰不可襄仲請齊惠公惠公新立欲親魯許之冬十月襄仲殺子惡及視而立倭是為

欽定四庫全書

通志
卷七十七上

二十

宣公哀姜歸齊哭而過市曰天乎襄仲為不道殺適立庶市人皆哭魯人謂之哀姜魯由此公室卑三桓彊宣公倭十二年楚莊王彊圍鄭鄭伯降復國之十八年宣公卒子黑肱立是為成公季文子曰使我殺適立庶失大援者襄仲襄仲立宣公孫歸父有寵宣公欲去三桓與晉謀伐三桓會宣公卒季文子怨之歸父奔齊成公二年春齊伐取我隆夏公與晉卻克敗齊頃公於鞌齊復歸我侵地四年成公如晉晉景公不敬魯魯欲背

晉合於楚或諫乃不十年成公如晉晉景公卒因留成公送葬魯諱之十五年始與吳王壽夢會鍾離十六年宣伯告晉欲誅季文子文子有義晉人弗許十八年成公卒子午立是為襄公是時襄公三歲也襄公元年晉悼公立往年冬晉樂書弑其君厲公四年襄公朝晉五年季文子卒家無衣帛之妾廐無食粟之馬府無金玉以相三君君子曰季文子廉忠矣九年與晉伐鄭晉悼公冠襄公於衛季武子從相行禮十一年三桓氏分為

欽定四庫全書

通志
卷七十七上

三十一

三軍十二年朝晉十六年晉平公即位二十一年朝晉平公二十二年孔丘生二十五年齊崔杼弑其君莊公立其弟景公二十九年吳延陵季子使魯問周樂盡知其意魯人敬焉三十一年六月襄公卒其九月太子卒魯人立齊歸之子稠為君是為昭公昭公年十九猶有童心穆叔不欲立曰太子死有母弟可立不即立長年釣擇賢義釣則卜之今稠非適嗣且又居喪意不在戚而有喜色若果立必為季氏憂季武子弗聽卒立之比

及葬三易衰君子曰是不終也昭公三年朝晉至河晉平公謝還之魯恥焉七年季武子卒八年楚靈王就章華臺召昭公昭公往賀賜昭公寶器已而悔復詐取之十二年朝晉至河晉平公謝還之十三年楚公子棄疾弑其君靈王代立十五年朝晉晉留之葬晉昭公魯恥之二十年齊景公與晏子狩竟因入魯問禮二十一年朝晉至河晉謝還之二十五年春鸛鵒來巢師已曰文成之世童謠曰鸛鵒來巢公在乾侯鸛鵒入處公在外

欽定四庫全書

通志
卷七十七上

五

野季氏與郈氏鬪雞季氏芥雞羽郈氏金距季平子怒而侵郈氏郈昭伯亦怒平子臧昭伯之弟會偽譏臧氏匿季氏臧昭伯囚季氏人季平子怒囚臧氏老臧郈氏以難告昭公昭公九月戊戌伐季氏遂入平子登臺請曰君以讒不察臣罪誅之請遷沂上弗許請囚於鄆弗許請以五乘亡弗許子家駒曰君其許之政自季氏久矣為徒者衆衆將合謀弗聽郈氏曰必殺之叔孫氏之臣戾謂其衆曰無季氏與有孰利皆曰無季氏是無叔

欽定四庫全書

通志
卷七十七上

五

孫氏戾曰然救季氏遂敗公師孟懿子聞叔孫氏勝亦殺郈昭伯昭伯為公使故孟氏得之三家共伐公公遂奔己亥公至於齊齊景公曰請致千社待君子家曰棄周公之業而臣於齊可乎乃止子家曰齊景公無信不如早之晉弗從叔孫見公還見平子平子頓首初欲迎昭公孟孫季孫後悔乃止二十六年春齊伐魯取鄆而居昭公焉夏齊景公將內公令無受魯賂申豐汝賈許齊臣高黠子將粟五千庾子將言於齊侯曰羣臣不能事魯君有異焉宋元公為魯如晉求內之道卒叔孫昭子求內具君無病而死不知天棄魯乎抑魯君有罪于鬼神也願君且待景公從之二十八年昭公如晉求入季平子私於晉六卿六卿受季氏賂諫晉君晉君乃止居昭公乾侯二十九年昭公如鄆齊景公使人賜昭公書自謂主君昭公恥之怒而去乾侯三十一年晉欲內昭公召季平子平子因六卿謝罪六卿為言曰晉欲內昭公衆不從晉人止三十二年昭公卒於乾侯魯人共

立昭公弟宋為君是為定公立趙簡子問史墨曰
季氏亡乎史墨對曰不亡季友有大功於魯受鄭為上
卿至於文子武子世增其美魯文公卒東門遂殺適立
庶魯君於是失國政政在季氏於今四君矣民不知君
何以得國是以為君慎器與名不可以假人定公五年
季平子卒陽虎私怒囚季桓子與盟乃舍之七年齊伐
我取鄆以為魯陽虎邑以從政八年陽虎欲盡殺三桓
適而更立其所善庶子以代之載季桓子將殺之桓子
欽定四庫全書

通志
卷七十七上

二十四

詐而得脫三桓共攻陽虎陽虎居陽關九年魯伐陽虎
陽虎奔齊已而奔晉趙氏十年定公與齊景公會於夾
谷孔子行相事齊欲襲魯君孔子以禮歷階誅齊淫樂
齊侯懼乃止歸魯侵地而謝過十二年使仲由毀三桓
城收其甲兵孟氏不肯墮成伐之不克而止季桓子受
齊女樂孔子去十五年定公卒子將立是為哀公哀公
五年齊景公卒六年齊田乞弑其君孺子七年吳王夫
差彊伐齊至繒徵百牢於魯季康子使子貢說吳王及

太宰嚭以禮詘之吳王曰我文身不足責禮乃止八年
吳為鄆伐魯至城下盟而去齊伐我取三邑十年伐齊
南邊十一年齊伐魯季氏用冉有有功思孔子孔子自
衛反魯十四年齊田恒弑其君簡公於徐州孔子請伐
之哀公不聽十五年使子服景伯子貢為介適齊齊歸
我侵地田恒初相欲觀諸侯明年孔子卒二十二年越
王句踐滅吳王夫差二十七年春季康子卒夏哀公患
三桓將欲因諸侯以劫之三桓亦患公之作難故君臣
欽定四庫全書

通志
卷七十七上

二十五

多間公游于陵坡遇孟武伯於衛曰請問余及死乎對
曰不知也公欲以越伐三桓八月哀公如陘氏三桓攻
公公奔于衛去如鄆遂如越國人迎哀公復歸卒于有
山氏子寧立是為悼公悼公之時三桓勝魯如小侯卑
於三桓之家十三年三晉滅智伯分其地而有之三十
七年悼公卒子嘉立是為元公元公二十一年卒子顯
立是為穆公穆公三十三年卒子奮立是為共公共公
二十二年卒子屯立是為康公康公九年卒子匱立是